

四庫全書

集部

欽定四庫全書

小畜集卷十

宋 王禹偁 撰

律詩

再授小諫偶書所懷

贈禮部宋員外閣老

自寬

贈衛尉宋卿二十二丈

二首

送融州任巽戶曹

寄商州馮十八仲咸同年

送史館學士楊億闕中迎侍

覽鏡

送寇諫議赴青州

寧公新拜首座因贈

壽寧節祝聖壽

十首

幕次閒吟

五首

還韋度支韶程集

將赴單州和韋度支相送之什次韻

初上單州有作

送秘閣裴都監奉使兩浙

已下再入
西樞作

送戚殿丞之任括蒼

送馮中允之任婺州

寄題義門胡氏華林書院

送母殿丞赴任齊州

送張監察通判餘杭

送楊屯田通判永興

書齋

書懷簡孫何丁謂

送柴諫議之任河中

送僕射相公赴西郊

送李著作

送禮部蘇侍郎赴南陽

制除工部郎中出內署

已下
州作
滁

詔知滁州軍州事因題

二首

滁州官舍

二首

堂前井

荒亭晚坐

身世

琅邪山

為郡

自笑

自問

夜長

與嘉祐同遊寶應寺

迂儒

花鹿

今冬

滁上謫居

四首

戲題二章述滁州官況寄翰林舊同院

高間

臘月

雪中看梅花因書詩酒之興

朝簪

賀呂祐之諫議

賀馮起張秉二舍人

送都官梁員外同年之江南轉運

有傷

寄杭州西湖昭慶寺華嚴社主省常上人

送鄭褒歸閩中

贈王獻

病假

偶題

三首

詩酒

司空相公挽歌

三首

和廬州通判李學士見寄

二首

贈朱嚴

戲和壽州曾秘丞黃黃詩

又和曾秘丞見贈

三首

和朱嚴留別

賦得紙送朱嚴

饒州馬殿院頻寄黑髭藥服數千丸斑白未減
作詩以報之

歲暮感懷

送鄭南進士歸洪州

再授小諫偶書所懷

宦途滋味飽更諳命薄於人分亦甘兩鬢雪霜為小諫
六街泥雨趣常參便休祿仕饑寒累強逐班行面目慙
安得去如神處士板輿榮侍卧終南

神放與母偕隱終南

贈禮部宋員外閣老

自汝州副使拜命前年與予同貶

未還西掖舊詞臣且向南宮作舍人

禮部員外號南宮舍人

休嘆

貳車如葦竹

令外郎散副使一郡至三兩員

須知百日掌絲綸

故事禮曹外郎

百日内
知制誥

錦窠官重真殊拜玉筍班清祇一身

今朝中員外甚多禮

曹一人而已

堪笑白頭王小諫握蘭猶未得相親

自寬

身世龍鍾且自寬
追量才分合饑寒
朝中舊友休誇貴
篋裏新詩不博官
曉髮靜梳微霰落
夜琴閒拂古風殘
會須歸去滄江上
累石移莎擁釣灘

贈衛尉宋卿二十二丈

二首送前
翰長侍郎

性情和雅得天真
卿寺鰲頭任屈伸
三品且隨前宰相

大卿班在尚書下與吏部宋呂二相公相接

重瞳偏認舊詞臣宿齋院冷琴

橫膝朝退門閒鶴伴身多少握衣門弟子側聆還望東

陶鈞

謫官歸來髮更斑徊翔猶在寺卿閒幾多僚友三台上
大半生徒兩制間舊賜錦袍多貰酒新裁紗帽欲歸山
東垣小諫龍鍾甚空媿洪爐早鑄顏

送融州任巽戶曹

撰越王愛姬
墓誌得罪

御前曾取好科名一掾如何萬里行身落蠻夷人共惜

罪因文學自為榮更供版籍多魚稅民種山田見象耕
君看咸通十司戶投荒終久是公卿

寄商州馮十八仲咸同年

遷客秋來捧詔還故人多怪髣毛斑重為東掖垣中士
猶夢西暉亭下山靜算宦途皆是命老思身計不如閒
何時相約同歸隱水竹蕭蕭並掩關

送史館學士楊億閩中迎侍

迎侍閩川去路長才名官職過歐陽翰林貴族誇東榻

楊近為副翰
張舍人坦腹

史館清銜慶北堂別酒正逢寒菊綻歸舟
應見早梅香拾遺健羨吟詩送莫笑蹉跎兩鬢霜

覽鏡

覽鏡笑浮生秋霜髮數莖才高空有氣官散即無榮
貧久心還樂吟多骨亦清他年文苑傳應不漏吾名

送寇諫議赴青州

表海鎮嶢嶻樞臣輟禁庭兩蕃申族帳七縣造圖經
密勿君恩異循良祖德馨旌旌驅驛路鼓角出郊坰
歸夢

尋溫樹行塵動福星上儀三道判排設十間廳風靜衙
門戟霜寒郡閣鈴看山樓號白封社土分青花好詩難
惜梨甘酒易醒

牡丹水梨皆
青州所出

徵還都幾日莫愛妓娉婷

寧公新拜首座因贈

著書新奏御

上詔承旨蘇公道士韓德純與公集三
教聖賢事迹各五十卷故有首座之命優

詔及禪扉首座名雖貴家山老未歸
磬聲寒遶枕塔影靜侵衣
終憶西湖上秋風白鳥飛

壽寧節祝聖壽

十首

行漏齊趨聖節筵雲開金闕上青天平明引入長生殿
共祝堯雲百萬年

數聲飛電響鳴鞘香裊金鑪映赭袍王母親承玉皇詔
年年今日進蟠桃

華胥國主何時見兜率天宮底處開盡說今年壽寧節
一齊移入帝城來

簾前可愛三冬日堦下新抽七葉蓂昨夜靈臺因預奏
綵雲高捧老人星

益算真君南斗高還因聖節奏天曹扶桑枯盡靈椿老
始放堯眉出壽毫

莊周浪說華封祝漢帝虛傳嵩岳聲爭似壽寧嘉節日
千門萬戶願長生

帝德由來動百神年年聖節絕纖塵萬家喜氣生和氣
冬日翻疑一日春

祇為憂民感上玄玉京今日集群仙更教添注吾君壽
直過人皇萬八千

漢主壽山稱萬歲
玄宗佳節號千秋
吾皇別享無疆福
百姓懽呼動九州

謫官商於又解梁
二年不見赭袍光
重來班列雖疎遠
祝壽情深淚數行

幕次閒吟

五首

二年憔悴詠江離
恩詔重教侍玉墀
寓直掖垣休入夢
常參幕次且吟詩
新文自負山中集
舊吏多驚鬢畔絲
莫道諫官無一事
猶勝閒卧解州時

禁漏遲遲待立班坐愁身計忽長嘆時清幸遇十年運
頭白重為八品官烏帽半欹殘月冷馬鞭慵執曉霜寒
君恩未報心猶壯不敢思歸七里灘

文章曾受帝褒稱幕次孤吟冷似冰借馬趨朝長後到
問人求米盡難憑僮教罷藥朝無酒兒廢看書夜絕燈
除却金章在腰下其餘滋味一如僧

六里山中謫宦身歸來無路掌絲綸堦前不見朱衣吏
堂上空辭白髮親月入可堪茶作俸雨多還怯桂為薪

懶求郡印緣何事曾忝西垣侍從臣

江離吟盡髻成霜謫宦歸來夢一場
每日祇窺丹鳳案被人猶喚紫微郎
齋宮獨坐風翻幕客舍閒吟葉滿床
若是承明容再入未曾荒廢舊文章

還韋度支韶程集

嶺南為郡帶名曹萬里江山興詠饒
皇宋聲名歸雅正有唐門地本逍遙
雪霜思苦雖侵鬢金紫恩深已佩腰
舊草滿囊勝惹以幾聯承醉寫芭蕉
進來聖主迴天眷

抄逐蠻僧過海潮何事曹南得披覽韶程風什似聞韶
將赴單州和韋度支相送之什次韻

就養求官動聖知專城猶得近王畿鄉人竟指曾題柱
丘嫂應慙不下機西掖罷批天子誥北堂榮著老萊衣
鄰封唱和如多暇三載須成一集歸

初上單州有作

舊官休念直承明就養誰能繫官情監綬昔年為短簿
綵衣今日是專城妓人半在登樓看親老初來滿郡迎

漫逐肩輿張皂蓋平生唯有此時榮

送秘閣裴都監奉使兩浙

已下再入西樞作

霏霏梅雨灑船窗綠樹參差早稻黃
捧詔暫辭圖籍府揚帆深入水雲鄉
皇華賜讌江樓月御札閒開野寺香
若到蘇臺人問我長官重作紫微郎

送戚殿丞之任括蒼

佐郡海西邊挂帆離兔園遠經羅剎石
近去鵲鵲原菊暖秋飛蝶霜晴夜叫猿
老郎方吏隱應笑市朝喧

殿丞今弟

知溫州

永嘉縣

送馮中允之任婺州

東南宦遊多勝游
婺女星下溪山幽
嚴陵隱德七里瀨
沈約詩名八詠樓
岸上黍離經故國
湖邊木脫正高秋
承明三入妨賢久
擬覓江鄉小郡侯

寄題義門胡氏華林書院

水閣山齋架碧虛
亭亭華表映門閭
力田歲取千箱稻
好事家藏萬卷書
旋對杯盤燒野筍
別開池沼養溪魚

吾生未有林泉計空媿妨賢卧直廬

送母殿丞赴任齊州

三齊號難治民瘼待良醫勿謂人多詐須教吏不欺魚

鹽多近海桑柘潤連淄御禮新頒歷無忘訓誡辭

上親選良

吏仍賜御

前歷子

送張監察通判餘杭

郡城瀟灑浙江濱暫輟乘驄慰遠民莫放霜威誇御史
且收風景屬詩人雪侵樓上迎潮眼花擁湖邊泛月身

盡是公餘吟詠處好飛佳句寄詞臣

送楊屯田通判永興

長安棄廢此藩方通理猶宜占省郎入洛才名齊二陸

屯田自浙入

有唐門戶本三楊

屯田靖恭楊氏唐末避地江南

袖中丹

朝鑣廳及第

桂家聲在道畔豐碑祖德光

閩西夫子碑在閩鄉路上

莫向公餘尋

故第榛蕪難認靖恭坊

書齋

年年賃宅住間坊也作幽齋著道裝守靜便為生白室

著書兼是草玄堂屏山獨卧千峰雪御札時開一炷香
莫笑未歸田里去宦途機巧盡能忘

書懷簡孫何丁謂

三入承明已七年自慙踪跡久妨賢吾子幾時歸鳳閣
病夫方欲買漁船季路肯甘知已矣潘安毛髯更皤然
舉人自代何由得歸去東臯種黍田

送柴諫議之任河中

蒲津名郡得名公諫紙緘箱且罷封紅藥堦墀曾吐鳳

綠莎廳事舊鳴蜚

故事河府院省綠莎廳唐吏治政時好事者常加澆洗兵興之後為不好

事者劇去之公好事者也可復此景故云

下車首謁重華廟入境先經五老

峯見說丘門詩板在應教回也繼遺蹤

故兵部王侍郎嘗知河府公之

座主

也

送僕射相公赴西郊

五十日端揆西郊任保釐偶拋三事重未失百寮師府
縣威儀引宮城管鑰隨廳官嫌出將劇位是留司櫻筍
供筵館蜩蟬響路歧碧紗題壁處畫錦下車時請雨摩

騰塔尋芳白傳祠維嵩過舊隱契洛賦新詩禮絕應懸
榻公餘尚讀碑留臺崇帥表內殿列須知易退甘龍卧
難虛是鳳池兩京全咫尺三吏不參差康濟荒年穀風
標飮座梨

唐相崔遠文詞清麗風神峻整時人謂之耳

弼諧終在我睠注更

同誰溫樹陰猶在甘棠影暫垂常濡玉堂筆願草白麻
詞

送李著作

芸閣新銜捧詔歸歷陽湖畔拜庭闈已聞愛子披朱紱

著作郎君
已賜服色

猶學嬰兒著綵衣
飯饋海陵紅稻軟
鱸膾淮水白魚肥
吾生自失榮親祿
謾踏花磚入北扉

送禮部蘇侍郎赴南陽

拜命辭台席
扶親道更光
風流在東閣
優逸是南陽
治篋排宸翰
行衣帶御香
袴襦編戶暖
扇枕板輿涼
鈴閣留僧飯
書齋著道裝
遺蹤尋耿鄧
善政法龔黃
潭淨秋收菊
郊平曉坐棠
未應淹郡國
即是復巖廊
一自同鵬鳥
重來浴鳳皇
貳卿二十八
羞殺老馮唐

制除工部郎中出內署

已下滁州作

溫樹陰中別玉堂
應星猶得人文昌
莫嫌工部官曹慢
杜甫才名是外郎

詔知滁州軍州事因題

二首

曉直銀臺作侍臣
幕為郎吏入埃塵
一生大抵如春夢
三黜何妨似古人
不稱禁中批紫詔
猶教淮上擁朱輪
時清郡小應多暇
感激君恩養病身

罷直金鑾領一麾
依前顚顚詠江離
所嗟吾道闕消長

豈為微軀繫盛衰尚媿臨民為父母終當學稼養妻兒
自憐此度辭京闕猶勝商山副使時

滁州官舍

二首

忽從天上謫人間知向山州住幾年俸外不教收果實
公餘多愛入林泉朝簪未解雖妨道宦路無機即是禪
鈴閣悄然私自問郡齋何異玉堂前

失職金鑾假一麾琅琊山色遶城池解龜且作三年調
下馬先吟八絕詩勾檢簿書寧免俗逢迎使命亦隨時

公餘不敢妨吟詠異日聲名繼至之

獨孤及字至之
為滁州刺史

堂前井

公署在山上鑿泉深且清一杯冰溜滿六月火雲生利物誠堪拜投錢惡近名飲之何以報官況與詩情

荒亭晚坐

荒亭秋日沈獨坐白頭吟為郡渾無味歸田素有心鵲翻楓葉亂蒼籬菊叢深微物休相聒幽懷老不禁

身世

淮邊為小郡身世復何云
妻病無醫藥兒癡廢典墳
簪裳看似夢俸祿薄如雲
不作歸耕計何階望致君

琅邪山

東晉元帝以琅邪王渡江常居此山故溪山皆有琅邪之號不知晉已前何名也

連袞復岩崑峰巒架次寥
流名自東晉積翠滿南譙
洞碧通仙界溪明潤藥苗
古臺臨海日絕頂見江潮
杉影挈雲暗泉聲出竹遙
廟碑傳漢祖寺額認唐朝
早歲時霑稼靈蹤合禁樵
詩章因我盛唐賢遊者多矣
屏障遣無琅邪山詩
誰描近住人多秀頻登酒
易消圖經標八絕滿霍合相

饒

為郡

為郎為郡意何闌羞拂朝纓蓋病顏賜筆任分雙管赤
梳頭已是二毛斑道孤自合先歸隱俸薄無由便買山
出坐兩衙皆勉強此心長在水雲間

漢尚書郎月給
赤管大筆一雙

自笑

年來失職別金鑿身世漂淪髣髴殘貧藉俸錢猶典郡
老為郎吏是何官開樽暫喜愁腸破堆案仍勞病眼看

自笑不歸田里去謾將名姓挂朝端

自問

自問意何如身窮業有餘
卷懷君子道耽味古人書
月給非無酒晨羞亦有魚
山頭刺史宅未識是吾廬

夜長

後樓前閣五嚴更
顏髻侵人睡漸輕
病眼已甘書冊廢
愁腸猶取酒杯傾
風搖紙帳燈花碎
日照冰壺漏水清
吟盡舊詩猶展轉
百迴移枕未天明

眼病黑花夜不
看書數年矣

與嘉祐同遊寶應寺

滁陽領郡經三月寶應遊山始一迴
屐齒免憂巖下折簿書長苦案頭堆
粼粼泉石吟魂健漠漠煙嵐病眼開
盡日引渠尋勝境讀碑看篆拂蒼苔

迂儒

自笑是迂儒誠宜與世疎
猶上疏薄俸亦抄書
漠漠花侵眼蕭蕭髮映梳
惟當早休去幽處卜吾廬

花鹿

花鹿一何馴長隨病使君必教吾在野當與爾為羣靜
飲清溪水間眠碧洞雲猶勝市朝裏逐衆走紛紛

今冬

休思官職落青雲且算今冬養病身白紙糊窗堪聽雪
紅爐著火別藏春旋芻官醢漂浮蟻時取溪魚削白鱗
況是豐年公事少為郎為郡似閒人

滁上謫居

四首

跡去金鑾殿官移玉筍班才高寧免妬命薄不如閒曉

鑑悲華髮春醪慰病顏為郎身漸老自笑不歸山

跡忝詞林舊官為郎署卑同羣甘鳥獸苟祿為妻兒未

有一事立空驚雙鬢衰唯憐文集裏添得謫官詩

敢歎我命薄所嗟吾道消謫官淮上老京信日邊遙巧

宦或五鼎甘貧唯一瓢居然古人事名跡詎相饒

一日復一日悠悠任此生所悲頻謫官不是厭專城有

悔皆因祿無凶未若耕林泉何處好終卜挂吾纓

戲題二章述滁州官况寄翰林舊同院

要知滁上興如何養拙偷安幸亦多小郡既無衣襖使
豐年兼有袴襦歌公餘處處攜山屐官醞時時泛海螺
病眼白頭唯醉睡朝廷好事不聞他

要見滁州謫官情緣隨俗且經營不誇兩制詞臣貴
多伴三班奉職行樓堞向空乘月上樽罍有酒對山傾
昇沈得喪何須問況是浮生已半生

高閒

謫官滁上欲何為唯把高閒度歲時費盡俸錢因合藥

忙於公事是吟詩京中吏去慵傳信江外僧來與撰碑
更待吾家婚嫁了解龜休致未全遲

臘月

臘月滁州始覺寒年豐歲暮郡齋閒官供好酒何憂雪
天與新詩合看山日照野塘梅欲綻燒迴荒逕草猶斑
吏人散後無公事門戟森森夕鳥還

雪中看梅花因書詩酒之興

年來滁上興何長唯把吟情人醉鄉雪片引詩勝玉帛

梅花勸酒似嬾嬌凝眸未厭頻頻落擁鼻還憐細細香
謫宦老郎無一物清貧猶且放懷狂

朝簪

一戴朝簪已十年半居謫宦半榮遷壯心無復思行道
病眼唯堪學坐禪醉謝陶公長欠酒俸慙吾祖不言錢
白頭郎署成何事見擬休官自種田

陶公云飲酒常不足

賀呂祐之諫議

自起居舍人拜命不由員外郎

鳳閣前年陪步武麟臺昔日是交遊先歸內署身雖忝

直上高坡命更優
玉筍外郎全棄擲
土山果毅免經由
却應迴笑滁陽守
官似馮唐半白頭

賀馮起張秉二舍人

八年東觀知深屈

馮舍人雍熙丁亥歲與予同直史館

百日南床祇暫經

張自知雜入閣下

春暖並吟紅藥樹
雲開雙見紫微星
綉衣脫

後休持斧珠履拋
來免過廳

馮兼越王翊善

應念出官淮水上

被人還笑屈原醒

送都官梁員外同年之江南轉運

月宮同歲取丹枝次第飛翔侍玉墀出職未吟紅藥樹

轉官新入白雲司

都官刑部屬司

使權繁重雖無暇曹局清閒

合賦詩

薛能李頻鄭谷皆為都官

不似謫官淮水上翳毛衰颯詠江

離

有傷

壁上時牌催晝夜案頭朝報見存亡懸車又喪司空相

延閣新薨賈侍郎

二公相繼薨者

陶鑄官資經化筆

某登朝後所任皆司

空在品題名姓在文場

予應舉時賈公以駕部員外知制誥用知貢舉遂蒙首冠多士

總惟一慟無由得徒灑春風淚數行

寄杭州西湖昭慶寺華嚴社主省常上人

夢幻吾身是偶然勞生四十又三年任誇西掖吟紅藥
何似東林種白蓮入定雪龕燈焰直講經霜殿磬聲圓
謫官不得餘杭郡空寄高僧結社篇

送鄭褒歸閩中

褒也甌閩士文高行益修干名逢詔罷歸計逼親憂鷗
鳥終相狎公卿謾欲留刺桐花下宅蘭蕙奉晨羞

贈王獻

舉子竟文賦風騷委路塵吾宗多警句詩道未無人青
眼有誰是白頭空鑷頻賈生如再召為爾指迷津

病假

小郡雖無事常時亦有勞坐衙衫強著判案筆須操眼
病因求假身閒更覺高何當長似此歸去老蓬蒿

偶題

三首

賈誼因才逐桓譚以識疎古今當似此吾道竟何如

鄭興親未葬張籍眼多昏何時解印綬歸去卧山村
白頭厭郎署病眼欲分司寸心猶未決所顧在妻兒

詩酒

白頭郎吏合歸耕猶戀君恩典郡城已覺功名乖素志
祇憑詩酒送浮生剛腸減後微微諷病眼昏來細細傾
樽杓不空編集滿未能將此換公卿

司空相公挽歌

三首

全德羣儒服清名信史書何人不調鼎唯我得懸車蕭

相丈無害于公慶有餘三川歸葬地松櫟自扶疎

執禮身雖退思賢寵未衰垂行三八命遽過九原期本
末皆書史功名別樹碑須知文集裏全似白公詩

去歲頻宣召觀燈復賞花健嫌靈壽杖輕棄富人車列
座先台席溫顏逼翠華而今宅前路雨破築堤沙

和廬州通判李學士見寄

二首

北門西掖久妨賢出入丹墀近八年且把一麾淮水上
敢思三接浴堂前將何政術稱循吏豈有文章號謫仙

除却清貧入詩詠山城坐客冷無氈

杜工部戲贈鄭廣文詩云才名四十

年坐客

寒無氈

金鑾失職下蓬瀛也向淮邊領郡城堆案簿書為俗吏
滿樓山色負吟情廬江地近音塵斷何遜詩來格調清
未得樽前一開口可憐心緒獨搖旌

贈朱嚴

未得科名髯已衰年年顚顚在京師妻裝秋卷停燈坐
兒起朝餐乞米炊尚對交朋賒酒飲徧看卿相借驢騎

誰憐所好還同我韓柳文章李杜詩

嚴妻能書
常寫文卷

戲和壽州曾秘丞黃黃詩

黃黃真是小巫娥買恐千金價不多別母語嬌空有淚
對人聲顫未成歌產從南國勝桃李攜去東山隱薜蘿
滁上老郎無妓女草玄讀易擬如何

又和曾秘丞見贈

三首

非才誤受帝恩深報國空存一片心命薄任從官進退
道孤難與衆浮沉日邊信斷無歸夢滁上公餘且醉吟

勞寄新詩遠相唁野雲何處望為霖

來詩云其如夷夏待為霖

謬因文字立虛名寓直金鑾冒寵榮兩度黜官誰是援
二毛侵鬢自堪驚宮花謾役春來夢山蕨聊供醉後羹
身外浮華盡閒物不將窮達問君平

篋中經歲鏤朝衣自覺心閒少夢思失馬叟言徒喻道
牧猪奴戲任爭碁且持使節安黔首莫愛恩波沃漏卮
况是無功頭已白此身長恐負明時

和朱嚴留別

依本韻

之子有文行常流竊比難援毫秋露下

生文學餘力開尤工篆隸

卷古風寒場屋推盟主聲詩立將壇論儒輕五霸議古

嫉三桓師仰唯韓愈才名壓李觀

生有師韓說

固窮多短褐

憂道即忘餐見訪山園郡相逢菊滿欄眼青憐造士頭

白媿郎官罷舉層霄遠監州勺水蟠貧厨兼味少市醞

數杯酸舊業煩君勸新題為我刊

生為手勸小畜集又書八絕詩在也臨

岐留雅什天馬撼金鑾

賦得紙送朱嚴

即席探題

潔白又方正似君心坦平空隨文價貴未免刺毛生客
被侵霜薄山窻映雪明前春懸作榜應見淡書名

饒州馬殿院頻寄黑髭藥服數千丸斑白未減作

詩以報之


兩州迢遞隔長江寄藥知君念老郎妙術遠慙周柱史
衰容爭奈漢馮唐未除凡骨無仙分欲斷愁根有醉鄉
多羨繡衣鬚髻黑滿身唯帶柏臺霜

歲暮感懷

歲暮山城放逐臣老從霄漢委泥塵公卿別後全無信
兄弟書來祇說貧眼看青山休未得鬚垂華髮摘空頻
文章氣槩成何事霑惹虛名誤此身

送鄭南進士歸洪州

霜飄楓葉滿長郊家指西山舊結茅訪我謫居龍失水
憐君行路鳥焚巢仲尼未免遭儒戲揚子何煩解客嘲
歸去豫章泉石好不知徐孺與誰交



小畜集卷十

欽定四庫全書

集部

小畜集卷十一

詳校官監察御史

臣李陽樞

檢討

臣何思鈞覆勘

總校官進士

臣朱鈐

校對官中書

臣田尹衡

謄錄監生

臣陳煜

欽定四庫全書

小畜集卷十一

宋 王禹偁 撰

律詩

茶園十二韻

送董諫議之任湘潭

送江州孫膳部歸闕兼寄承旨侍郎

立春前一日雪

送嚴判官儒歸滁州

將巡堤堰先寄高郵蔣知軍

送閤門秦舍人

病起思歸

寒食

酬太常晁丞見寄

張屯田弄璋三日畧不會客戲題短什期以滿

月開筵

寄秀州馮十八禮丞同年

送丁謂之再奉使閩中

牡丹十六韻

朱紅牡丹

芍藥花開憶牡丹絕句

海僊花詩三首

后土廟瓊花詩二首

櫻桃漸熟牡丹已凋恨不同時輒題二韻

芍藥詩三首

暮春

酬高郵知軍蔣殿丞見寄

又和寄惠藤篋絕句

先帝登遐聖君嗣位追維恩顧涕泣成章

登壽寧寺閣

池上作

和國子柳博士喜晴見寄

公退言懷

公餘對竹

官舍偶題

贈呂通秘丞楚州監倉

贈虛已

贈省欽

贈王殿院同年

留別揚州池亭

池邊菊

揚州道中感事兼簡史館丁學士

太宗皇帝挽歌三首

闕下言懷上執政三首

送邵察院知朗州

送直館高正言轉運荆湖

送宋澥處士之長安

送刑部韓員外同年致仕歸華山

贈狀元先輩孫僅

贈後儀朱學士

書懷送田二舍人自吏部郎中出典泰州

寒食出城馬上偶作

病中書事上集賢錢侍郎

賃宅

青猿

寓直偶題

頃年謫官解梁收得令狐補闕毛詩音義其本

乃會昌三年所寫數行殘缺後人添之其筆
跡乃工部畢侍郎所補也昨因問之乃云亡
失多年矣作四韻以還之

伏日偶作

和吏部薛員外見寄

贈密直張諫議

寄狀元孫學士

送譚殿院之任南陽

送河陽任長官

和屯田楊郎中同年留別之什

送臨清楊可主簿入蜀

送淳于中舍懸車侍養

送正言楊學士億之任緡雲

送第三人朱嚴先輩從事和州

送南陽李太傅二首

壽孫三曰

茶園十二韻

揚州作

勤王修歲貢稅駕過郊原蔽芾餘千本菁蔥共一園

牙新撐老葉

新牙之上去
年舊葉尚在

土軟迸深根舌小俾黃雀

毛獐摘綠猿出蒸香更別入焙火微溫採近桐華節

生無穀雨痕緘滕防遠道進獻趁頭番待破華胥夢

先經閭闔門汲泉鳴玉甃開宴壓瑤樽茂育知天意

甄收荷主恩沃心同直諫苦口類嘉言未復金鑾召

年年奉至尊

送董諫議之任湘潭

依依行色滿帆檣又借仁風惠遠方暫去長沙非賈誼
猶虛時相待張蒼檻前波浪瀟湘闊雨後汀洲橘柚香
翰苑放臣知最幸願聽民訟繼甘棠

送江州孫膳部歸闕兼寄承旨侍郎

九江為郡髻成霜淮海相逢共黯傷放逐翰林同李白
蹉跎郎署似馮唐才名各負詩千首離別無辭酒一觴
歸見黿頭如借問為言棖也減剛腸

孫興承旨
侍郎同年

立春前一日雪

一色滿淮海
莎階曉欲平
氣寒知臘在
勢猛共春爭
飄泊殘梅妬
龍鍾老檜擎
隨風無定態
入竹有繁聲
倚檻吟忘倦
援毫畫不成
南鄉消瘴癘
東作助農耕
片颺攏毛遠
光翻蝶翅輕
任貧添酒債
慵掃慰詩情
羣玉峰巒秀
華胥世界清
老郎無政術
沈酒卧江城

送嚴判官儒歸滁州

永陽謫宦髫成華
唯有賓從最可誇
文翰東堂進士第

風流南國相公家
移官我未歸
丹禁迴棹君今指
白沙
滁上淹翔雖已久
寺樓山色對琅琊

將巡堤堰先寄高郵蔣知軍

二十年前在濮陽
賓筵留我共飛觴
當時進士衣如雪
今日郎官髻有霜
吏役可堪巡堰埭
軍城猶喜接封疆
能來界首相期否
堤上依依柳漸黃

送閤門秦舍人

郡印我未解
輕軒君不留
相逢那幾日
此別又經秋
山

雪晴猶在河漸暖不收內庭連上閣早晚共優游

病起思歸二首

年來多病轉思山終日呻吟簿籍間叔夜養生休著論

陶潛難死只因閒陶潛云人生實難死又移郡印三年調未報君

恩兩鬢斑安得便歸田里去松篁泉石掩柴關

四十為郎非不偶况曾提筆直瀛洲明時遇主誰甘退

白髮侵人自合休夢得蹉跎因出郡劉夢得貶謫為郎四十餘年薛

能詩什恥監州薛許昌詩云監州是戲儒春來病起思歸甚未敢飛

章達冕旒

寒食

寒食江都郡青旗賣楚醪樓臺藏綠柳籬落露紅桃妓
女穿輕屐笙歌泛小舫使君慵不出愁坐讀離騷

酬太常晁丞見寄

當年布素定交情恨不同為出谷鶯猶作三丞君最屈
偏尋兩制我知榮湮沈莫厭青衫在彼此俱嗟白髮生
重入玉堂非所望汶陽田好欲歸耕

晁詩祝予
再入翰苑

張屯田弄璋三日畧不會客戲題短什期以滿月

開筵

布素相知二十年喜君新詠弄璋篇洗兒已過三朝會
屈客應須滿月筵桂子定為前進士蘭芽兼是小屯田
至時擔酒移厨去請辦笙歌與管絃

寄秀州馮十八禮丞同年

君從婺女典嘉興我自滁陽到廣陵同被雪霜侵兩鬢
獨嗟官職是三丞郡齋新養華亭鶴鄉信時逢建業僧

願作入朝西道主只看黃霸詔書徵

送丁謂之再奉使闕中

繡衣直指東南夷入奏風謠受聖知持節又從三殿出
演綸還較一年遲朝中謬拜推賢表江畔空吟惜別詩
郡印喧卑文會少為君搔首落花時

予在西掖
嘗舉謂之

牡丹十六韻

艷絕百花慙花中合面南賦詩情莫倦中酒病先甘國
色渾無對天香亦不堪遮須施錦障戴好上瑤簪芭折

深擎露枝拖翠出藍半傾留粉蝶微亞拂宜男鄰妓臨
粧妬胡蜂得藥貪忽翻晴吹動濃睡曉煙含話別年經
一相逢月又三遣吾擣白髮為爾換新衫池館邀賓看

衙庭放吏叅僊娥宣道院魔女逼禪庵

道院禪庵皆公署內所有

惜窠難析分題韻更探歌歡殊未厭零落痛曾諳穀雨
供湯沐黃鸝助笑談顏生如見此未免也醺酣

顏回不飲酒

朱紅牡丹

渥丹容貌著霓裾何事僧軒祇一株應是吳宮歌舞罷

西施因醉誤施朱

芍藥花開憶牡丹絕句

風雨無情落牡丹
翻階紅藥滿朱欄
明皇幸蜀楊妃死
縱有嬌嬈不喜看

海儼花詩

并序

海儼花者世謂之錦帶維揚人傳云初得海州山谷間
其枝長而花密若錦帶然予視其花未開如海棠旣開
如木瓜而繁麗嫋娜過之或一朵滿頭冠不克荷惜其

不香而無子弟可鈎壓其條移值他所因以釋草釋木
驗之皆無有也近之好事者作花譜以海棠為花中神
仙予謂此花不在海棠下宜以僊為號目之錦帶俚孰
甚焉又取始得之地命曰海僊且為賦詩三章題諸僧
壁

一堆絳雪壓春叢
嫋嫋長條弄晚風
借問開時何所似
似將繡被覆薰籠

春憎窈窕教無子
天為妖嬈不與香
盡日含毫難比興

花中應是衛莊姜

何年移植在僧家一簇柔條綴彩霞
錦帶為名卑且俗為君呼作海儂花

后土廟瓊花詩

二首
并序

揚州后土廟有花一株瓊白可愛且其樹大而花繁不知實何木也俗謂之瓊花云因賦詩以狀其態

誰移琪樹下儂鄉二月輕冰八月霜
若使壽陽公主在自當羞見落梅粧

春水薄薄壓枝柯分與清香是月娥忽似暑天深澗底
老松擎雪白婆娑

櫻桃漸熟牡丹已凋恨不同時輒題二韻

紅芳落盡正無慘吟遶空枝首重搔最恨東君少才思
不留檀口待櫻桃

芍藥詩并序

芍藥之義見毛詩鄭風百花之中其名最古謝公直中
書省詩云紅藥當堦翻自後詞臣引為故事白少傅為

主客郎知制誥有草詞畢詠芍藥詩詞采甚該備然自
天后以來牡丹始盛而芍藥之艷衰矣考其實牡丹初
號木芍藥蓋本同而未異也予以端拱己丑歲由左司
諫為制誥舍人後因事黜棄淳化甲午年又以禮部員
外郎牽復舊職尋以本官充翰林學士則謝公白傳之
任再蹂躪矣自出滁上移廣陵追念綸闈於今九載而
編集之內未嘗有芍藥詩言于詞臣不得無過揚州僧
舍植數十本牡丹落時繁艷可愛因賦詩三章書于僧

壁

牡丹落盡正淒涼紅藥開時醉一場羽客暗傳尸解術
僊家重熟返魂香蜂尋檀口論前事露濕紅英試曉粧
曾忝掖垣真舊物多情應認紫微郎

東君留著占殘春得得遲開亦有因曾與掖垣留故事
又來淮海伴詞臣日燒紅艷排千朵風遞清香滿四鄰
更愛枝頭弄金縷異時相對掌綵綸

滿院勻開似赤城帝鄉齊點上元燈感傷綸閣多情客

珍重維揚好事僧，酌處酒盃深蘸甲。折來花朵細含稜，
老郎為郡辜朝寄，除却吟詩百不能。

暮春

索莫紅芳又一年，老郎空解惜春殘。纔聞鶯囀誇楊柳，
已被蟬聲哭牡丹。壯志休磨三尺劍，白頭誰藉兩梁冠。
酒樽何必勞人勸，且折餘花更盡歡。

酬高郵知軍蔣殿丞見寄

青雲豈望更翱翔，覽鏡唯添鬢雪光。為郡自知無政術，

歸田猶擬拜封章且眠錦帳趨蘭省終掩雲關卧草堂

三八承明已過分有何辭筆敵長楊

予兩知制誥
一入翰林

又和寄惠藤篋絕句

蠻藤編篋自番禺錦袋羅囊盡不如乞與揚州貯詩草

行春誰怕雨隨車

藤篋
耐雨

先帝登遐聖君嗣位追惟恩顧涕泣成章

昂湖髯斷去難攀九五飛龍已御乾兩制舊臣生白髮
一番新貴上青天老為郎吏承綬經假作諸侯哭几筵

疎賤無由撰哀冊夢中空負筆如椽

登壽寧寺閣

乘興登虛閣披襟一望間聖朝新日月

時帝初即位

亡國舊

江山檻隔晴虹斷簷喧夕鳥還歸衙不辭晚吟思白雲

間

池上作

未遂滄洲去池邊弄綠波醉浮船底兀吟遶履痕多靜
照新華髮沈思舊釣蓑晚涼得幽趣魚上戲圓荷

和國子柳博士喜晴見贈

霖霖爲害正憂農
昨日陰雲散碧空
潑刺退灘魚失水
啁啾高樹鳥知風
洗開霽月蟬娟色
放出秋花菡萏紅
勞寄新詩曲相賀
由來災異繫三公

公退言懷

吏胥圍遶簿書堆
病眼昏昏素髮垂
已覺文章無用處
不歸田里待何時
兩衙決事官差我
五日延英詔問誰
賴有故人蹤跡在
只應蓬寓是吾師

公餘對竹

冠褐飄飄乍退公
引吟留坐一叢叢
買添幽景渾無價
洗却繁陰別有風
曾任雪欺終古綠
也從桃映暫時紅
此君合是吾廬物
會種嬋娟伴釣翁

官舍偶題

俸錢隨月盡公務
逐時生白髮多悲
感皇華倦送迎奉
身無實事困我為
虛名會向滄浪上
秋風自濯纓

贈呂通秘丞楚州監倉

聞君公事苦喧卑，紅粟堆邊獨斂眉。
已入朝行翻掌庾，未如畿尉且吟詩。
君前任畿尉堰頭笑傲同張祜，市裏優游
比路隨。唯有才名藏不得，山陽留滯肯多時。

贈虛已

谿邊幽寺好，烟霞別後春。
風幾度花夢憶，一巖紅薜荔。
心輕三事紫，袈裟禪機悟。
了身無著詩，句高來髻有華。
不遇蘓州韋應物，畫公篇什向誰誇。

贈省欽

師善八分太宗召于
殿上書數行賜紫

舊隱何年別翠微
瀑泉聲外鑲禪扉
御前曾寫八分字
天上特宣三事衣
燈照夜庵霜後冷
鼎烹秋菡雨中肥
終歸五老峰邊去
杯度長江錫杖飛

贈王殿院同年

幾年淮海嘆驅馳
美拜初聞入奏時
乍作臺官勞馬揖
合為巡使近龍墀
多從此地升三字
莫向朝端說四維
縱過省橋休拗項
郎官班列甚喧卑

時郎中八十餘員
員外數百員惟臺

官稍
少

留別揚州池亭

竹遶亭臺柳拂池徘徊終戀郡齋西斜陽更上漁舟坐
明日紅塵逐馬蹄

池邊菊

綠池遶逕幾千栽準擬登高泛酒杯未到重陽歸闕去
金英寂寞為誰開

揚州道中感事兼簡史館丁學士

時與丁同赴京

淮邊為郡再相逢又得同途赴九重顧我尚騎天廐馬

共君遙想鼎湖龍
賈生比望朝文帝
白傅何期哭憲宗
攜手驛橋殘照裏
斷魂空對隔江峰

太宗皇帝挽歌

三首

卜世知無極
上僊安可尋
祝堯違衆望
傳啓合天心
陵栢蕭騷韻
階茅寂寞陰
何人開殿閣
塵暗九絃琴

舜化無偏黨
堯年久耄期
世間人自哭
天上事難知
終讓東封禮
遂成南狩悲
金鑾舊學士
頭白涕漣洏

日到虞泉落
天從杞國崩
去年壽寧節
今夕永熙陵
薤

露悲風起松阡苦霧凝龍髯攀不及千古恨難勝

闕下言懷上執政

三首

謬提文筆侍先皇謫宦歸來遇國喪僊駕只留燒藥鼎
總惟猶認諫書囊北辰別見天垂象西內渾疑海變桑
昨日梓宮陪哭臨淚多唯有老馮唐

早有虛名達九重宦途流落漸龍鍾散為郎吏同元稹
羞見都人看李邕舊日謬吟紅藥樹新朝曾獻皂囊封
猶期少報君恩了歸卧山村作老農

誥詞黜責子孫羞欲雪前冤事已休浴殿失恩成一夢

鼎湖攀駕即千秋道邊任死心終直澤畔長吟淚暗流

虞舜五臣知此事戲儒應免更監州

薛能詩云監州是戲儒

送邵察院知朗州

察院自淮南轉運乞侍養因有此除并拜母為縣太君

郡齋全占五谿雲就養辭權以孝聞重戴舊稱秦御史
高堂新授漢封君板輿為別經三載壽酒先斟滿十分
我歎今生無此事賦詩相別淚霏霏

送直館高正言轉運荆湖

象笏烏紗諫署榮
運輸權重使蠻荆
職叨三館圖書貴
地轄重湖水石清
貪吏望風潛解印
逋民知惠自歸耕
官曹寂寞馮唐老
多羨乘軺澤國行

送宋澥處士之長安

內翰舍人弟

簪笏盈門獨紉蘭
卧龍潛在八龍間
鵠原任說朝賢貴
鶴氅惟稱處士閒
靜按僊經燒大藥
狂挨僧壁畫遙山
老郎見作歸休計
分取圭峰並掩關

送刑部韓員外同年致仕歸華山

自察院求致仕

抗表辭烏府歸山髻未秋朝簪還解多塵世謝蜂蟬拂
袖人生事懸車帝命優名光新日歷官占好詞頭應宿
郎曹美尋僊景物幽繡衣移蕙帶驄馬換耕牛對枕蓮
峰翠當門瀑布流妻間栽藥草兒戲雜猿猴買竹憑牙
板疏泉濕鹿裘四推離督責三院肯淹留接武陶貞白
差肩許遠遊十洲如得侶萬戶任封侯脫灑因君去龍
鍾使我羞遷鶯情最洽化鶴術難求掌誥無文彩謀身
寡悔尤紫垣頻忝竊白髮合歸休應璉叨三入張衡尚

四愁亦期婚嫁畢攘袂逐浮丘

贈狀元先輩孫僅

病中何事忽開顏記得詩稱小狀元

予淳化辛卯歲贈君詩云明年再就

堯堦試應被
人呼小狀元

粉壁乍懸龍虎榜錦標終屬鵲鴝原青雲

隨步登花塔紅雪飄衣醉杏園還有一條遺恨處不教
英俊在吾門

贈浚儀朱學士

學士新
知貢舉

蒲岳花陰覆杏壇門生叅謁絳紗寬西垣久望神仙侶

北部休誇父母官
雨屐送僧莎逕滑
夜棊留客竹齋寒
何時瀑直來相繼
三入承明興漸闌

書懷送田二舍人自吏部郎中出典泰州

共嘆蹉跎兩鬢蒼
立朝為郡是尋常
重歸謝客中書省
又送山濤吏部郎
三入承明身最忝
十年兄弟分偏長
喜聞辭日留前席
莫等多時住水鄉

寒食出城馬上偶作

欲報君親與願違
今年寒食任芳菲
八音遏密因山後

雙淚滂沱拜墓歸，艷冶桃花迎馬笑。
輕狂榆筴撲人飛，宦途時態更諳盡。
猶愧妨賢直紫微。

病中書事上集賢錢侍郎

五首

力疾奉朝謁，歸來倦送迎。
老為儒術誤，瘦愛道裝輕。
蘿藥幽香散，移琴細韻生。
晨餐漸有味，荀蔕倍關情。

妻兒慣蔬素，僕馬任龍鍾。
一榻渾無物，孤琴對病容。
風翻簾影亂，筆減研痕重。
幽寂誰為伴，扶行賴瘦筇。

食貧當歲早，朝退百端憂。
典笏逢休假，焚香願有秋。
病

饑渾厭肉瘦冷未更裘夢見山村興披簑釣亂流

郎署領制誥十年未上坡馮唐空潦倒衛綰是誰何猶
賴紫垣直聊遮白髮多歸田未有計林樹綠婆娑

日日奉朝謁病多仍食貧擲掄應有鬼夷俟豈無人鳳
閣十年筆烏紗九陌塵集仙知己在應為指迷津

賃宅

老病形容日日衰十年賃宅住京師閣樓鳳鳥容三入
巢宿鷓鴣只一枝壁掛圖書多不久砌栽蘆葦亦頻移

人生榮賤須知分會買茅庵映槿籬

青猿

小僕如猿狖貧家備指呼未堪隨馬足已慣典魚鬚時
洗塵侵硯閒收雨滴圖歸田如有計留負酒胡盧

寓直偶題

兩朝書命媿無才謾逐詞臣侍玉堦病似相如多避事
拙於方朔少詼諧命奇只合先休退道在何妨更卷懷
白手猶期議封禪一隨鑾輅見燭柴

頃年謫官解梁收得令狐補闕毛詩音義其本乃
會昌三年所寫數行殘缺後人添之其筆跡乃
工部畢侍郎所補也昨因問之乃云亡失多年
矣作四韻以還之

謫官山州自訓童因求書籍有遭逢偶收毛鄭古詩義
識得歐虞舊筆蹤南郡攜行心不足

禹偁自解梁徵迴
便擬入袖上尋知

侍郎入聖上幕府不敢
私謁遂攜去滁揚二州西齋送去手親封座侵煙染尤

堪重年號標題歷武宗

伏日偶作

移床拖簟就南軒門掩閒坊半樹蟬多病形容唯有骨
食貧生計旋無錢掖垣已忝年深直朝謁終妨日晏眠
會解綸闈求郡印早收餘俸卜歸田

和吏部薛員外見寄

振也好剛多悔吝唯憑忠信自書紳嚴陵知退遺榮利
只擬滄浪好釣綸老去赴朝慵待旦病來求假動經旬
西垣興味更諳盡一片烏紗滿馬塵

贈密直張諫議

與子
結婚

先皇憂蜀輟樞臣獨冒兵戈出劍門
萬里辭家堪下淚四年歸國似還魂
弟兄齒序元投分兒女親情又結婚
且喜相逢開口笑敢陳功業不須論

寄狀元孫學士

久居臺閣多憂畏欲薦賢才涉比周
灰死寸心甘不動雪侵雙髻未能休
封章事寢空騰謗制誥詞荒益自羞
唯愛君家棟莠榜登科記上並龍頭

送譚殿院之任南陽

大抵人生樂故居山川况復漢南都
別來墳墓有宿草歸去田園多綠蕪
銀印莫羞雙髻白錦衣兼照兩轡朱
西垣衰病無慘客空羨此行歌袴襦

送河陽任長官

宰君行李苦蕭疎妻子龍鍾尚跨驢
醉眼且看花滿縣愁顏莫望果盈車
頭銜新換呼明府科第元高得校書
誰解吟詩送行色茂陵多病老相如

和屯田楊郎中同年留別之什

科名長恐辱同年許國丹誠皎日懸謬掌斯文雖未喪
欲行吾道即無權謝公留滯蒼苔院潘岳征行落葉天

引重力輕深自媿強酬詩什益淒然

予嘗舉秦屯田未有恩旨

送臨清楊可主簿入蜀

楊父為諸司使祖有贈官及第授官後以父命歸拜

祖墳焚
所贈誥

脫白去焚黃遙知祖德光墓墳喬木老襟袖桂枝香迴
見梅含雪歸逢橘飽霜子雲應有宅為買草玄堂

送淳于中舍懸車侍養

懸車東去謝明朝
擺脫簪纓似一毛
望苑官清諧侍養
督郵名賤恥徒勞
青宮位在他年起
綠服身歸此日高
我媿無親尸厚祿
與君書命淚霑袍

送正言楊學士億之任縉雲

弱冠珥朝簪
才堪任翰林
重違君厚遇
聊奉母懽心
筆削留惇史
囊裝貯賜金
帆張淞河闊
山對括蒼深
暫歇趨朝馬
重聞故國禽
幽蘭南澗採
壽酒北堂斟
務簡慵

開閣家豐不典琴，綵衣方侍養紅藥。即供吟我占掖垣，久自驚年髣侵妨賢蕪。罔極相送淚盈襟。

送第三人朱嚴先輩從事和州

賃船東下歷陽湖，榜版科名釋褐初。賓職不憂無厚俸，

郡齋唯喜有藏書。

錢侯聚書尤多

伴吟先買秋江鶴，醒酒時烹

晚市魚。庶使多情應問我，為言衰病似相如。

送南陽李太傅

二首

兩朝黃閣預彌綸，又策春坊第一勲。僧塔舊題前進士，

齋壇新拜上將軍馬銜金勒衝微雪雁避紅旌入斷雲
還似徐州張僕射御詩相送四方聞

紅旆飄飄奪曉霞御筵相送出京華仲尼俎豆真儒者
卻穀詩書屬將家腰下已懸如斗印門前看見築堤沙
先朝學士期牽復待草南陽入相麻

壽孫三日

經年病不飲此日一開樽鑑裏休嫌老懷中已抱孫紅
裯裁錦段香水浴銀盆他日歸田去相扶入葦門

小畜集卷十一

欽定四庫全書

小畜集卷十二

宋 王禹偁 撰

歌行

謝宣賜御草書急就章并朱邸舊集歌

應制皇帝親試貢士歌

謝政事王侍郎伏日送冰

酬贈田舍人

對雪示嘉祐

送姚著作之任宣城

送晁監丞赴婺州關市之後

還揚州許書記家集

酬處才上人

和張校書吳縣廳前冬日雙開牡丹歌

和馮中允爐邊偶作

賦得南山行送馮中允之辛谷冶按獄

烏啄瘡驢歌

謝宣賜御草書急就章并朱邸舊集歌

臣聞伏羲畫卦朴且淳蒼頡造字初有文大篆小篆
八分體楷隸章草何紛紛因茲八法各有要遂使六
藝區以分其中最難惟草聖玄妙功夫自天性又聞
關雎本王化四始洋洋風化下比興賦頌六義分乃
有變風兼變雅仲尼刪後屈平作郢客李陵鬪名價
古來詩道難得人其唱彌高和彌寡如今草聖與雅
言盡在吾皇萬幾暇元年十月近乾明崇文院靜寒

霜晴直廬日午讎書罷閒曳朱衣遶砌行中使傳宣
來上界忙把魚鬚下堦拜寶函鈿軸光陸離御札文
書御製詩折腰播笏拭雙目汗流魄駭聊一窺急就
章草何縱橫藍田種玉苗初成雪花灑破煙嵐壁黑
雲漏出天漢星乍似鮫人泣下珠無數錯花晶熒滿
盤貯又似大鯨吞盡滄海波查牙露出珊瑚樹朱邸
集何清竒仙風撼動瓊林枝漢皇休道白雲句穆滿
虛吟黃竹詩乍似三春直上伯陽臺熙熙物華當眼

開又似十洲夜伴王母宴鸞歌鳳吟次第來小臣再
拜受一軸擣紙抄書猶未足焚香朝向天日看執簡
夜對星辰讀臣見高宗飛白亦有名筆跡往往頌公
卿所得不過三五字當時臣子猶為榮又見玄宗詩
什頗留意吟咏時時成御製屬和止于一兩篇至今
史冊猶為貴若徵往事比明時萬分之一徒爾為未
如我四十三紙聖人作一百二章天子詩永為家寶藏
書篋豈讓西方貝多葉且教世世傳子孫長與皇家作

臣妾

應制皇帝親試貢士歌

天王出震寰海清奎星燦燦昭文明詔令郡國貢多士
大張珠網羅羣英皇情孜孜終不倦日斜猶御金鑾殿
宮柳低籠三月煙爐香飛入千人硯麻衣皎皎光如雪一
一重瞳賞鑒別孤寒得路荷君恩聚首唯言盡臣節小
臣蹤跡本塵泥登科曾賦御前題屈指方經五六載如
今已上青雲梯位列諫官無一語自問將何報明主應

制非才但淚垂強作登謔謔舜禹

謝政事王侍郎伏日送水

火雲如山暑雨歇天地爐烘三伏月玉皇教散闌苑水
斷開北陸瓊瑰窟峨峨貯向瑤花合分命中官賜黃閣
鳳皇池上玉壺盛溫樹風聲頓蕭颺台恩分與西垣士
綸誥稀疏方假寐下和抱璞入直廬從此驚忙不成睡
怒蠅休向筆端飛抵鵲渾疑山下墜寒生毛髮清牙齒
脆若玉芝甘似醴炎風暑氣都不知空作狂歌謝知己

酬贈田舍人

君不見天上星辰拱環極忽然隕地變成石又不見雲
中鷹隼橫高秋有時塌翼化作鳩人生進退甚類此左
遷右轉誰自由憶昔逢君在鄒魯翰林文人東道主一
言得意便定交數日論文暗相許邇來倏忽十餘年共
上赤霄連步武禁中更直承明廬深喜薰蕕依玉樹兩
制惟君最清慎筆力辭鋒有餘力方期夜直金鑾坡誰
知共理淮陽郡官銜新換版曹郎腰佩初懸列侯印西

垣三字班列間南面百城資望峻且應盡意頒詔條豈
復迴頭顧文陣下車果有謳謠生賣刀買犢民歸耕黃
髮老農鼓腹唱雪花雙鹿挾輶行棠陰露濃滴朱紱麥
秋風冷吹紅旌行春多暇吟情發間作長歌寄同列歌
中首寫明君語指點神僊為舊侶嚴徐雖合在蓬瀛召
杜已聞為父母重來便恐調金鉞無復區區掌文翰直
如經歲未徵黃道在何勞重嗟嘆入則步蒼苔詠紅藥
了事舍人孫處約出則張皂蓋擁朱輪賢明太守召信

臣請君屈指數交友似此宦名能幾人逢時誰不欲行
道遇主我亦思庇民功名富貴皆待命出處語默聊衛
身一車甘雨方建隼萬國淳風莫泣麟他時宣室召賈
誼賢人事業當併伸檐間忍見烏兔走鑑裏星星將白
首休耽鈴閣家藏書且酌郡齋官給酒嬰兒稚女滿眼
前莫負時光笑開口

對雪示嘉祐

去年看雪在商州使君命我山寺頭峰巒草樹六百里

饑飢凍鳥聲啾啾山城窮陋無妓樂何以銷得騷人愁
抱瓶自瀉不待勸東興一飲連十甌晚歸上馬頗自適
狂吟醉舞夜不休今年看雪在帝里瑤臺瓊樹佳氣浮
朝迴攬轡聊四望移下五城十二樓樽中有酒翻不飲
鬱鬱不快非怨尤吾兒嬌騃未曉事問我胡不私獻酬
因令把筆寫我意為渠吟作雪中謳昔為副使不理事
待罪且免憂人憂今為諫官非冗長拾遺三館俸入優
秋來連澍百日雨禾黍漂溺多不收如今行潦占南畝

農夫失望無來麴爾看門外饑餓者往往殣殍殞渠溝
冠旅進又旅退曾無一事裨皇猷俸錢一月數家賦朝
衣一襲幾人裘安邊不學趙充國富民不作田千秋胡
為碌碌事文筆歌詩頌聖如俳優一家衣食仰在我縱
得飽煖如狗偷況我眼昏頭漸白安能隱几勤校讎何
時提女歸田去賣馬可易數隻牛深耕淺種苟自給藜
羹豆粥充饑喉黍畦鑒理學元亮瓜田澆灌師秦侯素
殮免作疲人蠹開卷免對古人羞未行此志吾戚戚對

酒不飲抑有由斯言不敢向人道語爾小子為貽謀

送姚著作之任宣城

平生聞說宣城郡水石幽奇人物俊檻外澄江練不收
窓中遠岫眉初印六朝繁盛至隋唐才人名士遙相望
謝公向此憑熊軾白傅曾為鹿鳴客江樓山寺多賦詩
往往題名在僧壁皇家早歲平吳後翰林賈公為太守
至今清話玉堂中夸詭江山不離口吾君御極初選藝
東樞二卿新擢第解褐曾縻佐郡官首得宣城為歷試

紫微田郎次登科東樞受代傳廳事第三榜中第二人
今在烏臺為察視邇來通倖少名流雲泉竹樹應包羞
今春忽命姚著作學術縱橫才磊落當年雄揖第三名
官路迤邐久漂泊去歲獻文重召試新恩始上芸香閣
未教修史未續綸宣城奉使聊親民且忻彩服得就養
莫歎朱衣未即真舊遊應有交朋在此去仍言婚宦新
下車布政民休休高吟淺酌誰獻酬夜深紅燭在何處
綺霞閣通疊嶂樓公權書札燕許詞未免山僧乞撰碑

撰碑書碑即三載眼看徵詔在丹墀却愁未盡江南興
閒坐蓬瀛揮玉柄黃樞侍臣兩制官待君同說宣城景
送晁監丞赴婺州關市之役

關征市賦縻賢俊誰愛此官為吏隱將作晁丞于役時
婺女星臨海邊郡黃絹辭高位尚卑白華行潔身猶困
會待時來即併伸也知道在終无悶君不見路隨含笑
坐市中屈身豈愧丹陽尹又不見張生狂醉戀揚州冬
瓜握下甘肥遁此行况是奉皇華數丈輕舸載一家攜

瓶下岸買竹葉挂席背風穿蓼花霜晴震澤初嘗橘泉
過惠山應試茶虎谿曉雲靈隱雪錢塘夜潮照湖月密
排詩景在途中旋吟新句教兒童漸近金華見隼旗五
馬來迎使者車應知驥足暫拘絆八詠樓開頻啓宴醉
中官妓乞歌詩剡谿紙貴抄新詞他年誰獻子虛賦名
入金門五雲路因思元白在江東不似晁丞今獨步

還揚州許書記家集

許渾孫進
家集得官

君不見近代詩家流胡為蹇滯多窮愁孟郊顛顛死逆

旅浪仙斤逐長江頭張生漂泊冬瓜堰徒云輕薄萬戶
侯浩然無成鹿門去李洞慟哭昭陵休生無風教興王
化死無勲爵貽孫謀可憐詩道日已替風騷委地何人
收高陽許公精六義獨向聖朝先後嗣因將生集進九
重高步金臺曳珠履祖德光輝聖主知府尹賢明丞相
子時維揚權牧即中令故薛相之子廣陵郡大古九州記室官清外三
字遂令天下學詩人徒美君家窮四始我來迎侍游江
都玳筵往往陪歡娛遂求家集恣吟諷海波乾處堆珊

瑚因思賈孟數家一何苦詩鬼嗷嗷餒無主子孫淪沒
誰及君閒倚紅蓮傾涼醕草檄餘閒好賦詩莫放風情
忝爾祖

酬處才上人

我聞三代淳且質華人熙熙誰信佛茹蔬剃度在西戎
佛法不敢干華風周家子孫何不肖奢淫昏亂墮王道
秦皇漢帝又雜霸只以威刑取天下蒼生哀苦不自知
願甚深願慈航慈無端更作金人夢萬里迎來萬民重

為君為相猶皈依蚩蚩聾俗誰敢非若教都似周公時
生民豈肯須披緇可憐嗷嗷避征役半入金田不耕織
君子之道動即窮亦有賢達藏其中上人來自九華山
叩道遺我瓊瑤編錚錚五軸餘百篇定交仍以書為先
書中不說文經中不言佛有心直欲與文物感師自遠
來相親為師畫卦成同人出門無咎非羣分袂染墨綬

何足云

時為長
洲令

和張校書吳縣廳前冬日雙開牡丹詩

依韻

君不見年年三月千叢媚紫欄紅繁誇勝異尋常人戴
滿頭歸醉折狂分不為貴枝間葉盡根空培人情皆待
明年開化工自有呼魂術霜前喚下瓊瑤臺王母親將
金粉傅麻姑齊僭霓裳來主人蓋是神僊才不然此物
胡為而來哉二姬勸酒誰引滿長洲懶吏先舉杯多感
同年與攀折吟詩欲謝難輕發青宮校書方遁跡代我
作歌如錦折他年吾輩功業成與君共作騎鯨客

和馮中允爐邊偶作

誰為東君掌青律故將春日連人日春日雨絲暖融融
人日雪花寒慄慄雨雪寒暖苦不同可比交情去就中
仲咸擁爐發歌咏古風激破澆漓風人情離合古來有
召公初亦疑周公汾陽臨淮本讎隙一旦分兵若親戚
四公翻覆人不譏各各操心為邦國此外請張多為已
反掌背面如千里張耳陳餘不忍言魏其武安何足齒
我愛中庸君子心心與人交淡如水別有人間勢利徒
一去一就隨榮枯西漢董賢方倖倖孔光迎拜卑如奴

是時揚雄在東觀投閣欲死無人扶有唐力士夫人死
朝士執喪如喪妣是時李白放江邊憔悴無人供酒錢
小人之性何所似真如蜂蝶并螻蟻尋春逐臭苟朝昏
豈顧松篁與蘭茝重君誓心一何極澗底松兮陵上栢
澗松陵陌有朽時我約君心無改易

賦得南山行送馮中允之辛谷冶按獄

商山三月花如火草樹青蔥雨初過柳條漸軟蝶雙飛
桑葉尚多蠶一卧薄情野水流不迴無力春雲慵欲墮


團團榆莢是誰拋漠漠游絲向人彈可憐花木間嵐光
花前正好飛觥觴馮君夙駕一何速捧檄吟玩按辛谷
轉輸昨日又移文小忙訴謀何紛紜見說南山六百里
阻盡馬蹄摧屐齒是何屈于不知已銜斗太阿教補履
龍無尺水且蟠泥驥困鹽車但垂耳片言折獄亦胡為
必也無訟方君子吾徒事業本稽古得行其志當刑措
畫衣畫地免煩苛抵璧捐金返淳素未行此道且營營
營營為祿聊代耕殘春小別不足念為君高唱南山行

南山一月期回首莫泣臨岐數卮酒

烏啄瘡驢歌

商山老烏何慘酷嘴長于釘利于鏃拾蟲啄卵從爾為
安得殘吾負瘡畜我從去歲謫商於行李唯存一蹇驢
乍登秦嶺又巉嶺為我馱背百卷書穿皮露脊痕連腹
半年治療將平復老烏昨日忽下來啄破舊瘡取新肉
驢號僕叫烏已飛廟背整毛坐吾屋我驢我僕奈爾何
悔不挾彈更張羅賴是商山多鷲鳥便問鄰家借秋鷄

鐵爾拳鈴鈎爾瓜折烏頸兮食烏腦豈唯取爾饑腸飽
亦與瘡驢復讐了



小畜集卷十二